

114 年全國語文競賽臺灣原住民族語言朗讀文章 【邵語】 國中學生組 編號 2 號

pintamar Thau a kazakazash

tatata wa kawash Thau a Lu'san, piaqitan numa malhituzin sa
mabrithan a kazakazash, maqa ininthewan pinqtha palhaqtun suma thau a
makakakri, pararibuq kataunan a kazakazash, Thau ladadu a thau laladu wa
aniamin mani, amiakuza puil izai mabrithan Pualu a kazakazash piaqitan
numa mintamar? manasha sa Thau amatilhduu izai mabrithan a
palhkakrikriw.

Thau a Shinshii isai Ita Thau saran pitaw a tanamuqtha mulalu, pasain
qaulh qmarasiniza, antu patara suma wa thau utun pararibuq, maqa Mulalu
saThau a mabrithan a kazazakaza.

Zintun paklalilit kmalawa kilhnaqualh a makakakri miaqay
mapanduduu sa Thau a kazakazash, iazithu Thau miku piaqaqitan Mulalu a
kazakazash, lhugqizi mabrithan a Mulalu minmathuaw mabrithan a
malhkakrikriw, muqay Thau masa suma Yuan-zu-min a qbit, puil ananak
mabrithan a kazakazash, matilhduu pulhaqtun pararibuq, numawan
apiakuzan piaqaqitan kazakazash a kalawan, miaqawan mashtay
mapa'indapiwan numa shanlhituz, antu iamin a mabrithan a kazakazash
kuruburin sa suma numa min'ukaiza.

Thau ata tu iaramaz suma thau a pararibuq, malhituz iamin a
matiashaq, piaqaqitan a ininthewan piapuskis tu ikahin, amiakuza pintamar
pulalu a kalawan, numa makuiza tanatuqash shinqaan a pruuq, makilhim
thaithay numa pushuqishin thaithay.

(文章大意 僅供參考) ※字數限 200 字

延續邵文化

女邵族祖靈祭是維繫文化的重要祭儀，受時代影響環境變遷，人口少資源有限，重要祭祀文化要如何傳承下去？是邵族人重要的課題。祭師在街道用竹竿圍起來舉行祭祀,因常與舉辦活動撞期，邵族保存祭祀文化，是很迫切的工作！

邵或別族群，在保存自己文化，都面臨外來文化干擾，維護文化資產,族群能否存續，有很重要的關聯，文化被破壞殆盡時，族群也面臨著消失的危機。邵族堅持文化權益，未來無論多麼艱辛都要把祖先的土地和文化找回。